

Ujedinjene nacije su 02.11.2009. godine prvi put obilježile svjetski dan borbe protiv upale pluća. Program ima za cilj spašavanje više od pet miliona dječijih života do 2015. godine.

Dječiji fond Ujedinjenih nacija UNICEF i Svjetska zdravstvena organizacija navode da svakih pet sekundi jedno dijete podlegne upali pluća, što je više od boginja, malarije i side zajedno. Praktično sva djeca koja umiru od upale pluća (98 %) su ili iz južne Azije ili podsaharske Afrike. Eksperti kažu da se liječenju upale pluća, bolesti koja se može spriječiti i koja je izlječiva, ne poklanja dovoljno pažnje.

En Golaz, viša savjetnica za zdravstvena pitanja svjetske organizacije, je tokom govora u Ženevi istakla da je za sticanje prirodnog imuniteta kod djece ključno promovisati dojenje.

Grupe za zaštitu prava pacijenata navode da fokus i ubuduće treba da bude na higijeni, vakcinisanju i adekvatnim tretmanima antibioticima. Svjetska zdravstvena organizacija i UNICEF su saopštile da će im u narednih šest godina biti potrebno 39 milijardi dolara za ispunjenje njihovih planova.

Izvor: VoA News

www.medicina.ba